

**ÁRSSKÝRSLA
HJÁLPARSVEIT SKÁTA
VESTIMANNAEYJUM**

1991 – 1992



SKÝRSLA STJÓRNAR FYRIR 1991 til 1992

Núna er 26 starfsári H.S.V. að ljúka. Þetta starfsár hefur verið með rólegra móti. Kannski fer vel á því að starfsár hjálparsveitar sé sem rólegast, því það segir væntanlega til um að lítið hafi verið um slys.

Þó er alls ekki laust við að stóratburðir hafi gerst á starfsárinu, atburðir sem kalla má tímamót.

Fyrst má nefna sameiningu Landsambands Hjálparsveita Skáta og Landsamband Flugbjörgunarsveita á Akureyri síðast liðið haust. Félagar H.S.V. og B.V. fjölmenntu norður til að fagna þessum tímamótaatburði. Sameiningarháttíðin tókst stórkostlega vel og verður öllum sem fóru eftirminnileg.

Þó skiptir að sjálfsögðu öllu máli atburðurinn sjálfur, sameiningin sem vonandi verður til þess að efla björgunarstarf á Íslandi.

Sú sameining sem skiptir okkur þó enn meira máli er sameining Hjálparsveitar Skáta Vm. og Björgunarfélags Vm.

Eins og okkur er öllum kunnugt hefur verið stefnt að sameiningu þessara sveita nokkuð lengi.

Þær hafa haft náið samstarf seinasta árið. A síðasta aðalfundi var samþykkt að skipa nefnd sem vinna skildi að sameiningu sveitanna. Nefndin hefur starfað mjög vel og nánast gengið frá öllum þáttum sameiningarinnar, allt frá drögum að samkomulagi til lokadansleiks.

Það verður aðalverkefni þessa 26. aðalfundar að ganga löglega frá og ljúka því máli sem samþykkt var á seinasta aðalfundi það er að þessar sveitir renni saman í eina. Vonandi verður þetta heillaspor fyrir okkur og bæjarfélagið.

mars 1992

Bjarni Sighvatsson

Gísli Sigmarsson

Adólf Þórsson

Erlingur Guðbjörnsson

Jóhann Heiðmundsson

Steingrímur Benediktsson

Agúst Haukur Jónsson

Pétur Andersen

Bátamál sveitarinnar hefur verið sorgarsaga. Farsæll hinn nýi hefur hvergi reynst eins og vænst var til. Hefur mikil vinna og langur tími farið í það að finna hugsanlega galla, bæta úr þeim og koma bátnum í það horf sem vænst var til í upphafi, án árangurs. Ekki er enn séð fyrir endann á því máli.

Nokkur námskeið hafa verið haldin á árinu má nefna Attavitanámsk. og æfingu sem Eiríkur þ. hélt Loran og GSP. námskeið Ofkæling námskeið sem Björgvin Richardsson hélt

Nokkrir félagar H.S.V. hafa farið á námskeið hjá HSSR. Er það mjög jákvæð þróun.

Að tillögu þórara slögum við saman og héldum gamlárs-brennu með flugeldasýningu, þótti þessi samvinna takast með ágætum.

Andrés Þórarinnsson, verkfræðingur kom hingað og lagði á ráðin með að fullgera fjarskiptadeildina okkar þannig að hún þjónaði hagsmunum okkar og Almannavarnanefndar sem best.

Arlegt þorrablót var haldið í Básum og tókst skemmtunin vel og mæting var góð.



17-20 mars 1991

Farið var í hvítasunnuferð á Snæfellsnes. Þrettán meðlimir sveitarinnar tóku þátt í ferðinni. Aðalmarkmið ferðarinnar var að ganga á Snæfellsjökul. Samkvæmt hæðamæli tókst það, en rok var og rigning og skyggni nær ekkert. Annars enkenndi ferðina stöðugar bilanir á Lappanum. Að öðru leiti tókst ferðin hið besta og var farið víða um nesið.

A Jónsmessu var farið í Surtsey. Aðal tilgangurinn var að hreinsa rústir Pálsbærar sem við brenndum á seinasta ári.

Gekk heinsunin vel, og eru nú öll ummerki þess að Pálsbær 1 hafi einhverntíma verið til, horfin. Gengið var um eyjuna, hellar signir og aðrir skoðaðir.

Fjórtán tóku þátt í ferðinni bæði frá HSV og BV.

26 júlí 1991

Lögreglan hrингdi um kl. 20.00 og óskaði eftir því að við hæfum leit að 7 ára strák. I samvinnu við BV ákváðum við að hefja afmarkaða leit en leggja mesta áherslu á fyrir grenslan. Kom drengurinn framm um kl. 21.30 rétt í þann mund sem leit hófst.

27. júlí 1991

HSV og BV héldu sameiginlegt útigrill sem venja er fyrir hverja þjóðhátfíð.

Grillað var í skjóli gáma á Binnakanti. Fjórtán læri lágu og milli fjörtíu og fimmtíu manns mættu.

þjóðhátfíðin 1991

HSV og BV tóku að vanda að sér gæslu um borð í ms. Herjólf, allt gekk vel og var veður sәmilegt.

Iþróttafélagið TÝR óskaði ekki eftir aðstoð frá okkur varðandi gæslu á þjóðhátfíðinni. Nú skiptir engu máli hvernig gæði löggæslu eru í dalnum, bara að tékkinn sem skrifaður er fyrir vinnunni sé nôgu lágor.

23. ágúst 1991

Lögreglan óskaði eftir því að BV og HSV athuguðu hvort maður gæti hafa hrapað niður Dufþekju, en vitni sáu hrun þar niður og vitað var um mannaferðir.

Farið var á Kristni Sigurðsyni og svæðið norðan undir Heima-kletti athugað en sem betur fer kom ekkert grunsamlegt í ljós.

25. ágúst 1991

Bíll dreginn úr festu í Viðlagavík.

06. september 1991

Að ósk lögreglu dró bíll sveitarinnar upp bíl erlends ferðamanns, en hann hafði fest sig í Prestavík.

22. september 1991

Vegna veðurs losnuðu plötur á kofa. En því var snarlega kippt í liðinn.

06. október 1991

Af beiðni lögreglu var bíll dreginn með spili niður af gangstétt, en hann hafði á líttskiljanlegan hátt fest vegna ógætilegs aksturslags.

Að beiðni lögreglu voru þakplötur heftar niður á húsi í miðbænum, en snarpa rokgusu gerði þennan dag. Annað tjón varð ekki.

26. október 1991

Haldið var hið árlega göngurall, nú sameiginlega af HSV og BV. Sautján tóku þátt í rallinu sem er met þáttaka."Áskrifandinn" Guðni Georgsson endurheimtti fyrsta sætið eftir eins árs hlé, næstur var Gísli Sigmars og Sighvatur Bjarnason þriðji.

03.november 1991

Stutt útkall vegna roks, en járnplötur losnuðu á einu húsi.



23-24.desember 1991

Mikill snjór og ófærð,bílar voru dregnir úr sköflum og
fólk flutt milli staða.

04.febrúar 1992

Snjókoma og rok,bílar dregnir en þó var aðallega börn og
fólk flutt til sín heima.

04.mars 1992.

Náð í ungling á Neðri Kleifar í Heimakletti og hann
fluttur á sjúkrahús. Hafði hann verið í göngu ásamt
nokkrum nemendum FV. en dottið,meiðst við það á hné og
orðið ógöngufær.

Stjórn H.S.V.